

Polonia,
BoRSZECHÓW,

27. IV. 1927
R. 4. V. —

Vere Honorato Domino Professore,

Statuto defini quod ApI es
„societate inter fautores de lingua
internationale“, sed illo non exponit
scopo de nostro societate.

Scopo de ApI pote es:

1. elaboratione de nro novo lingua
internationale auxiliare
2. propaganda de nro idioma
auxiliare jam existente.

Si nos accipe scopo 1), tunc nos debe
retroveni ad methodo de labore
adoptato ab „Kademu Volapükka“
et „Akademi de Lingu Universal“:

: omne socio debe es obligato de
stude et discute ~~per~~ quaestiones
posito in modo systematico ab
Directore.

Sed majoritate de socios es fau-
tores de „Latino sine flexione“ - isto
socios non expecta creatione de
aliquo novo systemate artificiale
sed desidera diffusione de syste-
mate jam existente: de L. S. fl.

Ergo statuto debe defini quod
„ApI es societate inter fautores de
„L. S. fl.“ et quod „suo scopo unico
es propaganda et perfectionamen-
to de dicto idiomate auxiliare.“

Sed, secundum meo opinione, es
multo plus utile reorganiza ApI
in „Academia Internationale
de Scientias“ et constitue quod

suo scopo es progressu de scientia
et mutuo communicatione de resul-
tatus in investigatione scientifico
per medio de L. S. fl.

Tale es - in meo oculos - optimo,
maxime breve et ultra facile via
ad triumpho de „Interlingua“.

Præsente periodico de ApI habe
multo humile valore scientifico
et per isto ratione illo non pote
exerce uno sufficiente influentia
in circulos de scientiatis.

Duo meo discipulos vol continua
suo studios superiores in aliquo
universitate italiano.

De vol es multo grato, si vos bene-
volo interveni apud secretariatu
de universitate Torinese ut illo

transmitte ad me libello-guida
(dispositiones regulamentare comer-
nente organizatione de studios
et de examines) de facultate philo-
sophico et illo juridico.

Quale es nunc pretio de vita in
Italia [camera ²⁰⁰ + luce + calefactione
+ servitio + 3 cibo] ? 800-1000.

Cordiale anticipato gratias pro
pretioso informationes et interuen-
tione atque expressiones de alto
respectu

ab Vostro semper devoto et fidele

Jexier 